

17. Jotarako dantza-koplak

Baltza nazala dinoe, (bis)
neuri deust ardura gitxi.
Ardaoa baltza da baina
askok egiten dau erosi.
Askok egiten dau erosi,
neuri deust ardura gitxi.

Mendi altuan edurra (bis)
bota sutara egurra.
Alaba galanten amek
mutil zatarren bildurra. (bis)

Neure nobiaren ama (bis)
asto baten jaube dana.
Astoak ekarriko deutso
etxean behar dauena. (bis)

Panderetatxu barria (bis)
amak Bilbotik ekarria.
Hamar erreal pagauta
erdia urregorria. (bis)

Zeuk eder horrek esana, (bis)
ez zagozala niretzako.
Eskerrik asko majoa,
neu bere ez nago zeuretzako. (bis)

Hauxe da despedidea, (bis)
despedida honen tristea!
Agur aita eta ama,
agur neure maitea. (bis)